



**TERENGGANU DARUL IMAN  
TAMBAHAN PERUNDANGAN**

**AKTA KERAJAAN TEMPATAN, 1976**

**Tr. P.U. 26/90  
UNDANG-UNDANG KECIL  
TANDAS AWAM  
(MAJLIS DAERAH SETIU) 1990**

Tarikh penyiaran:  
Tarikh mula berkuatkuasa:

20 Disember 1990  
20 Disember 1990



TERENGGANU DARUL IMAN  
TAMBAHAN PERUNDANGAN  
AKTA KERAJAAN TEMPATAN 1976

Tr. P.U. 26/90  
UNDANG-UNDANG KECIL TANDAS AWAM (MAJLIS DAERAH SETIU) 1990

Tarikh penyiaran:

20 Disember 1990

Tarikh mula berkuatkuasa:

20 Disember 1990

---

SUSUNAN UNDANG-UNDANG KECIL

---

Mukadimah

- Undang-undang kecil 1. Nama, pemakaian dan mula berkuatkuasa.
- Undang-undang kecil 2. Tafsiran.
- Undang-undang kecil 3. Kebersihan dan kehendak-kehendak lain.
- Undang-undang kecil 4. Syarat-syarat penggunaan tandas awam.
- Undang-undang kecil 5. Kuasa untuk mengarahkan orang keluar.
- Undang-undang kecil 6. Kewajipan penerimaan pajak.
- Undang-undang kecil 7. Tandas berasingan untuk berlainan jantina.
- Undang-undang kecil 8. Caj.
- Undang-undang kecil 9. Penalti.
- Undang-undang kecil 10. Kuasa menangkap.

## Mukadimah

PADA menjalankan kuasa-kuasa yang diberi oleh seksyen 73 Akta Kerajaan Tempatan 1976 [Akta 171], Majlis Daerah Setiu membuat dan berikutan dengan Seksyen 103 Akta itu Pihak Berkuasa Negeri mengesahkan undang-undang kecil berikut:

### 1. Nama, pemakaian dan mula berkuatkuasa.

Undang-undang Kecil ini bolehlah dinamakan **Undang-undang Kecil Tandas Awam (Majlis Daerah Setiu) 1990**, dan hendaklah terpakai kepada kawasan Majlis Daerah Setiu sahaja dan hendaklah berkuatkuasa pada tarikh ia disiarkan dalam *Warta*.

### 2. Tafsiran.

Dalam undang-undang kecil ini, melainkan jika konteksnya menghendaki yang lain—

"Majlis" ertinya Majlis Daerah Setiu;

"tandas awam" ertinya apa-apa bangunan, bilik atau ruang yang disekat-sekat yang mana orang-orang awam boleh pergi untuk membuang air besar, air kecil atau untuk mencuci dirinya;

"Yang Dipertua" ertinya Yang Dipertua Majlis Daerah Setiu dan termasuklah Timbalan Yang Dipertua.

### 3. Kebersihan dan kehendak-kehendak lain.

Mana-mana orang yang berada dalam mana-mana tandas awam:

(a) membuang sampah, meludah, membuang air kecil atau air besar di atas lantai melainkan di dalam bekas yang sepatutnya dibekalkan bagi maksud masing-masing;

(b) membiarkan paip terbuka selepas menggunakannya sama ada bekalan air sedang mengalir atau sebaliknya;

(c) merosakkan atau memindahkan apa-apa barang dalam tandas;

(d) mengotorkan, melukis, menyonteng atau mengecat apa-apa di atas dinding atau siling;

(e) berperangai tidak senonoh atau tidak sopan; dan

(f) meninggalkan mangkuk tandas dengan tidak memancurkan air selepas menggunakan.

adalah melakukan suatu kesalahan.

#### **4. Syarat-syarat penggunaan tandas awam.**

(1) Tiada seseorang boleh membasuh apa-apa pakaian atau meninggalkan pakaian itu untuk dikeringkan dalam tandas awam.

(2) Tiada seseorang boleh menyalakan api atau memasak makanan dalam tandas awam dan tiada seseorangpun boleh makan atau tidur di dalamnya.

(3) Tiada seseorangpun boleh mencuci makanan, perkakas, pinggan mangkuk atau apa-apa bekas dalam tandas awam.

(4) Tiada seseorangpun boleh menggunakan mana-mana tandas awam sebagai tempat untuk menyimpan barang-barang.

(5) Tiada suatu transaksi perniagaan boleh diuruskan dalam mana-mana tandas awam.

(6) Tiada seseorangpun dibenarkan mandi di dalam mana-mana tandas awam melainkan jika kemudahan mandi disediakan di dalamnya.

#### **5. Kuasa untuk mengarahkan orang keluar.**

Mana-mana orang yang melakukan apa-apa perbuatan yang melanggar dengan mana-mana peruntukan undang-undang kecil ini boleh diarahkan keluar dari tandas awam oleh Majlis atau mana-mana orang yang diberikan kuasa olehnya.

## 6. Kewajipan penerima pajak.

- (1) Sekiranya mana-mana tandas awam dipajak, penerima pajak atau orang yang menjaga tandas awam itu hendaklah membersihkan dan menerangi tandas itu sehingga memuaskan hati Yang Dipertua.
- (2) Penerima pajak atau orang yang menjaga mana-mana tandas awam hendaklah menyebabkan supaya sesalinan undang-undang kecil ini yang ditulis dengan nyata dalam bahasa kebangsaan supaya mempamirkan secara berterusan di tempat yang ketara dalam tandas awam itu.

## 7. Tandas berasingan untuk berlainan jantina.

- (1) Maka hendaklah diperuntukkan tandas awam yang berasingan untuk jantina yang berlainan yang hendaklah ditandakan dengan tanda-tanda yang sesuai.
- (2) Tiada seseorangpun boleh memasuki atau menggunakan tandas bagi jantina yang berlainan.

## 8. Caj.

- (1) Jika difikirkannya perlu, Majlis boleh mengenakan caj bagi penggunaan mana-mana tandas awam, menerusi pemberitahuan dalam *Warta*.
- (2) Mana-mana orang yang gagal membayar caj yang ditetapkan adalah melakukan kesalahan.

## 9. Penalti.

Mana-mana orang yang melanggar dengan mana-mana peruntukan ini adalah melakukan suatu kesalahan dan apabila disabitkan, boleh didenda tidak melebihi dua ribu ringgit.

## 10. Kuasa menangkap.

(1) Mana-mana pegawai Pihak berkuasa Tempatan atau mana-mana pegawai Polis boleh menangkap tanpa waran seseorang yang melakukan di hadapannya atau yang ia percayai dengan munasabah telah melakukan sesuatu kesalahan di bawah Akta ini atau di bawah mana-mana undang-undang kecil, Kedah atau Peraturan-

(a) jika nama atau alamat orang itu tidak diketahui olehnya dan orang itu enggan memberi nama dan alamatnya; atau

(b) jika ada sebab bagi meragukan yang mana atau alamat itu adalah tepat.

(2) Seseorang yang ditangkap di bawah Seksyen ini hendaklah ditahan dan hendaklah dibawa ke hadapan Mahkamah Majistret dalam tempoh dua puluh empat jam melainkan jika nama dan alamatnya dapat ditentukan terlebih dahulu daripada itu.

Diperbuat oleh Majlis Daerah Setiu di dalam mesyuarat pada 3hb. April, 1990.  
[MDS. 01/2-23 Bhg. 2]

DATO' HAJI TENGGU MAHMUD BIN MANSOR,  
*Yang Dipertua,  
Majlis Daerah Setiu*

Disahkan oleh Pihak Berkuasa Negeri di dalam mesyuarat pada 13 Oktober 1990.  
[SUK. TR. 1200/370/SK. A; PUN. TR. 266/B.T.2 (SUK)]

OSMAN BIN MUDA,  
*Setiusaha,  
Majlis Mesyuarat Kerajaan Negeri,  
Terengganu*